

अम्बिकादेवीकल्पः ।

१०७

६१. अम्बिकादेवीकल्पः ।

सिरिउज्जयंतगिरिसिहर^१सेहरं पणमिऊण नेमिजिणं । ^२कोहंडिदेविकप्पं लिहामि बुद्धोवएसाओ ॥ १ ॥

अत्थि सुरट्ठाविसए धणकणयसंपन्नजणसमिद्धं कोडीनारं नाम नयरं । तत्थ सोमो नाम रिद्धिसमिद्धो छकम्मपरायणो वेआगमपारगो बंभणो हुत्था । तस्स घरिणी अंबिणीनामा^३ महग्घसीलालंकारभूसिअसरीरा आसि । तेसि विसयसुहमणुहवंताणं उप्पन्ना दुवे पुत्ता । पढमो सिद्धो बीओ बुद्धु ति । अन्नया समागए पिरपक्खे भट्ट-5 सोमेणं निमंत्तिआ बंभणा सद्धदिणे । कत्थ वि ते वेअमुच्चारंति, कत्थ वि आढवंति पिंडप्पयाणं, कत्थ वि होमं करंति, वइसदेवं च । संपाडिआ सालिदालिवंजणपक्कन्नमेअखीरिखंडपमुहा जेमणारा अंबिणीए अ । सासुआ ण्हाणं काउं पयट्ठा । तंमि अवसरे एगो साहू मासोववासपारणए तंमि घरे भिक्खट्ठा संपत्तो । तं पलोइत्ता हरिसभरनिब्भरपुलइअंगी उट्ठिआ अंबिणी । पडिलाभिओ तीए मुणिवरो भत्तिबहुमाणपुबं अहापवित्तेहि^४ भत्तपाणेहि । जाव गहिअभिक्वो साहू वलिओ, ताव सासुआ वि ण्हाऊण रसवईठाणमागया । न पिच्छइ पढमसिहं । तओ तीए कुविआए पुट्ठा 10 बहुआ । तीए जहट्टिए वुत्ते, अंबाडिआ सा अज्जूए; जहा-पावे ! किमेअं तए कयं ? । अज्ज वि कुलदेवया न पूईआ, अज्ज वि न मुंजाविआ विप्पा, अज्ज वि न भरिआइं पिंडाईं; अग्गसिहा तए किमत्थं साहुणो दिन्ना ? । तओ तीए भणिओ सबो वि वइअरो सोमभट्टस्स । तेण रुट्ठेण अप्पच्छंदिअ त्ति निक्कालिआ गिहाओ सा । परिभवदूमिआ सिद्धं करंगुलीए धरित्ता बुद्धं च कडीए चडावित्ता चलिआ नयराओ बाहिं । पंथे तिसाभिभूएहिं दारएहिं जलं मग्गिआ, जाव सा अंसुजलपुण्णलोअणा संवुत्ता, ताव पुरओ ठिअं सुक्कसरोवरं तस्सा^५ अणग्घेणं सीलमाहप्पेणं तक्खणं जलपूरिअं 15 जायं । पाइआ दो वि सीअलं नीरं । तओ छुहिएहिं भोअणं मग्गिआ बालएहिं । पुरओ ठिओ सुक्कसहयारतरू तक्खणं फलिओ । दिन्नाइं फलाइं अंबिणीए तेसिं । जाया ते सुत्था ।

जाव सा चूअच्छायाए वीसमइ ताव जं जायं तं निसामेह । तीए जे बालयाई पढमं जेमाविआ तेसिं भुत्तुत्तरं पत्तलीओ तीए बाहिं उज्झिआओ आसि, ताओ सीलमाहप्पा कंपिअमणाए सासणदेवयाए सोवण्णथालकच्चोलयरूवाओ कयाओ । जे अ उच्छिद्धसिथकणा भूमीए पडिआ ते मुत्तिआइं संपाइआइं । अग्गसिहा य पिढरेसु^६ तहेव दंसिआ । 20 एयमच्चु(च्च)ब्भुअं सासूए दट्ठूण निवेइअं सोमविप्पस्स । सिद्धं च, जहा-वच्छ ! सुलक्खणिआ पइवया य एसा बहू । ता पच्चाणेहि एअं कुलहरं ति जणणीपेरिओ पच्छायावानलडज्झंतमाणसो गओ बहुअं वालेउं सोमभट्टो । तीए पिट्ठओ आगच्छंतं दिअवरं निअवरं दट्ठूण दिसाओ पलोईआओ । दिट्ठओ अग्गओ मग्गकूवओ । तओ जिणवरं मणे अणुसरिऊण सुपत्तदाणं अणुभोअंतीए अप्पा कूवंमि शंपाविओ । सुहज्जवसाणेण पाणे चईऊण उप्पन्ना कोहंड-विमाणे सोहम्मकप्पहिट्ठे चउहिं जोअणेहिं अंबिअदेवी नाम महद्धिआ देवी । विमाणनामेणं कोहंडी वि भन्नइ । 25 सोमभट्टेणं वि तीसे महासईए कूवे पडणं दट्ठुं अप्पा तत्थेव शंपाविओ । सो अ मरिऊण तत्थेव जाओ देवो । आभिओगिअकम्मणा सिंहरूवं विउबित्ता तीसे चेव वाहणं जाओ । अन्ने भणंति-अंबिणी रेवयसिहराओ अप्पाणं शंपावित्था, तप्पिडओ सोमभट्टो वि तहेव मओ । सेसं तं चेव ।

सा य भगवई चउब्भुआ दाहिणहत्थेसु अंबलंवि पासं च धारेइ । वामहत्थेसु पुण पुत्तं अंकुसं च धारेइ । उत्तत्तकणयसवण्णं च वण्णमुवहइ सरीरे । सिरिनेमिनाहस्स सासणदेवय त्ति निवसइ रेवइगिरिसिहरे । 30 मउडकुंडलमुत्ताहलहाररणकंकणनेउराइसबंगीणाभरणरमणिज्जा पूरेइ सम्मदिट्ठीण मणोरहे, निवारेइ विग्घसंधायं । तीए मंतमंडलाईणि^७ आराहिंताणं भविआणं दीसंति अणेगरूवाओ रिद्धिसिद्धीओ । न पहवंति भूअपिसायसाइणी-

1 Pa °सिहरे । 2 A कोहिंङि° । 3 P Pa नाम । 4 A अहापत्तेहिं; B P °पवत्तेहिं । 5 A Pa B तिसा° । 6 Pa सिहरेसु । 7 Pa °मंडणाईणि ।

१०८

विविधतीर्थकल्पे

विसमग्गहा, संपज्जंति पुत्तकलत्तमित्त^१घणधन्नरज्जसिरीओ त्ति ।

अंबिआमंता इमे—

^२वयवीयमकुलकुल^३जलहरिहयअकंततत्तपेआइ^४ । पणइणिवायावसिओ अंबिअ^५देवीइ^६ अह मंतो ॥ १ ॥

धुवभुवण^७देवि^८ संबुद्धि पास अंकुस तिलोअ पंचसरा । णहसिहिकुलकलअब्भासिअमायापरपणामपयं ॥ २ ॥

5 वागुब्भवं^९ तिलोअं पाससिणीहाओ तइअवन्नस्स । कूडं च अंबिआए नमु^{१०}त्ति आराहणामंतो ॥ ३ ॥

एवं अन्नेवि अंबादेवीमंता अप्परक्खा-पररक्खा^{११}विसया सुमरणजुग्गा मग्गखेमाइगोअरा य बहवो चिट्ठंति ।
ते अ, तहा मंडलाणि अ, इत्थ न भणिआणि गंथवित्थरभएणं ति गुरुमुहाओ नायवाणि ।

एअं अंबियदेवीकप्पं अविअप्पचित्तवित्तीणं । वायंतसुणंतानं पुज्जंति समीहिआ अत्था ॥ १ ॥

॥ इति श्रीअंबिकादेवीकल्पः समाप्तः ॥

10

॥ अं० ४७, अ० ५ ॥

1 Pa °मित्त° नास्ति । 2 Pa चय° । 3 A P °कुल° नास्ति । 4 P °तत्तणयाइं । 5 A अंबया° । 6 Pa देवी इह । 7 P भुवणे । 8 A Pa देव° । 9 Pa वागुब्भं चित्ति° । 10 A नमो । 11 B P नास्ति 'पररक्खा' ।
*चतुरशीतिमहातीर्थनामसङ्ग्रहकल्पानन्तरम् P सञ्ज्ञके आदर्शे एष कल्पो लिखितो लभ्यते । अन्यसर्वादशेष्वनुपलम्भादत्र ग्रन्था-
न्तेऽस्माभिरयं स्थापितः ।